



## **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1848**

2166. Kurfürst Johann weiset Otto und Hans von Blumenthal mit den  
bisher vom Kloster Jericho besessenen Lehen an das Bisthum Havelberg,  
am 5. April 1490.

---

---

**Nutzungsbedingungen**

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

2165. Erneute Schuldverschreibung des Kurfürsten Johann für Albrecht von Leipzig,  
am 15. März 1490.

Wir Johans, vonn gotts gnaden Marggraue zu Brandenburg, Churfurste etc., Bekennen vnd thun kunt offentlich mit difem vnserm briue vor vns, vnser erben vnd nachkomen Marggrauen zu Brandemburg vnd sunst vor allermeniglich, die in sehen, horn oder lesen. Nachdem vnd wir vnserm lieben getrewen Albrechten von leipczk vnd seinen erben Funfthalbtausendt Reinische gulden schuldig findt, die er vns zway Jar gelihen vnd wir jm verzinset vnd verburget haben, lawt des brifs daruber aufzgangen, dieselben zway Jar vff purificationis Marie nechst verschinen vmb sint; Also haben wir mit jm ferner gehandelt vnd vns der genanten hauptsum Funfthalb m. Reinisch gulden vertragen, das er vns dieselben mit sampt den versessen zinzen, das alles zusamen macht Funff tausent vnd vierzig Reinische gulden, onshedlich der verschreybung, So er von vns hat, bis auff Michaelis schirftkomend gutlichen berowen vnd ansteen lassen will. Solch Funff M. vnd vierzig Reinische gulden Gereden wir obgnanter Marggraue Johans, Churfurst etc. vnser erben vnd nachkomen dem gnanten Albrecht von Leipezk vnd seinen erben vff den genanten Michaelis zu komend ongeuerlich achttag vor oder nach zu Wittemberg in der Stat aufzzurichten geben vnd bezalen, Sunder allen jren schaden, wie das in der ersten verschreybung vnd verburgung clerlichen aufgedruckt ist: vnd wener dem genanten Albrecht oder seinen erben solch bezalung von vns oder vnsern erben gescheen ist, So sollen sie vns vnsern schuldbrieff vber die funfhalb tausent gulden Reinisch vnd disen vnsern briue dagegen vberantworten. Zu vrkund etc. Actum Tangermund, am Montag nach Oculi, im XC<sup>ten</sup>.

Nach dem Kurmärk, LehnsCopialbuche des K. Geh. Kab. Archivs XXX, 63.

2166. Kurfürst Johann weist Otto und Hans von Blumenthal mit den bisher vom Kloster Jericho besessenen Lehnen an das Bisthum Havelberg, am 5. April 1490.

Wir Johans etc. Bekennen etc. Als der Erwidige in gott vnser Rate vnd besunder Frundt, Her Bosse, Bischoue zu Havelberg, mit den wirdigen vnsern lieben besundern, Ern Johanssen. wudenkop probst, Ern Ludolff Swickow prior, Ern Niclaffen Sothe, Senior vnd gantzen Capittel des Closters Jherichow Havelbergischs gestiffts umb ettlich guter vnd manschaft in sunderheit Otte vnd Hannsse von Blumendael, so vom probst vnd Closter zu Jerichow lehn gehabt, ein vmbslag vnd bewt gemacht haben, Inhalt der briue beiderseit daruber vsgangen vnd vberantwort, das wir zu solchenn umbslegen vnd bewte, so vil wir des vls furtilicher obrickait zuthun, vnsern willen vnd volbort gegeben habenn, volborten vnd Geben dazzu vnsern gantzen willen

in crafft vnd macht diffes briues vnnnd Begernn darauff von uch vnnsenn liebenn getrewen Otte vnnnd Hannffen von Blumendael obgedacht, ir wollet uch mit den lehn, so ir von dem probst zu Jerichow vnnnd seinem Capittel bissher gehabt, vff verlassung des propsts vnd Capittels an vnd zu dem obgedachten vnnsenn frund, Hern Buffen, Bifchoff zu Hauerberg, seinen nachkomende Bifchoff vnd den Stifft zu Hauerberg halden, dinft vnd andere pflicht thun, als wir vnns der billickeit nach zu uch verfehn. Czu urkunth etc. Datum Tangermundt vff die Elbe, am Montag nach den Suntag palmarum, Anno etc. nonagesimo.

Nach dem Kurmärk. Lehnecopialbuche Nr. XXVIII, fol. 36.

2167. Kurfürst Johann von Brandenburg vergleicht sich mit dem Fürsten Georg zu Anhalt wegen des Witthumes, was der Gemahlin des Fürsten, als verwittweteten Markgräfin von Brandenburg angehört, am 24. Mai 1490.

Wir Johans etc. Bekennen vnd thun kunth offentlichen mit diszin vnnsen briue, vor vnns, vnnsen erbenn vnd nachkomenn Marggrauen zu Brandenburg vnnnd sunst vor aller-  
meniglich, die in lehn, horen oder lesenn, das wir vnns vff hewt datum mit dem hochge-  
borenn vnnsrem Oheim, Rath vnnnd vorweszer der herfschafftenn Crosszenn vnd Cotbus,  
hernn Jorgenn, Fursten zu Anhalt vnd Grauen zu Aschanien, als vormunden der  
hochgeborenn Furlin, Frawen Agnes weylend Marggraff fridrichs vnnsers vettern  
seliger gedechtnus nachgelassenn witwen, des genanten Grauen Jorgenn gemahel, vmb  
das ampt Soltwedel mit sampt allen nutzungen vnd zugehorungen auch der helfft des  
Czols zu lentzen, Inmassenn der genaanten vnnsen lieben Muhmen Frawen Agnes von  
obgenannten vnnsrem lieben vettern Marggraff Fridrichen seliger zu leipgeding vermacht  
vnd verschriben ist, gutlichenn vereynet vnd vertragenn habenn, wy hirnach volgt. Zum  
erstenn Sol vnns der obgenant Graue Jorg solch Ampt Soltwedel mit dem halbenn zol  
zu lentzen von stund einantworten vnd abtretten, dasselbig wir, die weyl vnd er mit seiner  
gemahel lebt, behalten, in habenn, geniefsen vnd gebrauchen. Dagegen Sollen vnd wollen  
wir obgenannter Marggraff Johans oder vnnsen erben, dem genanten Graue Jorgenn,  
als vormunden der genanten seiner gemahel, alle Jar Newn halb hundert gulden Rinisch,  
nemlich vffs new Jar Funff hundert vnd vff Osternn darnach virdhalb hundert Rinisch gulden  
vberreichenn, gebenn vnd bezalenn on allen irenn schaden vnd hindernutz vnd mit der  
erstenn bezalung der V. gulden auffs new Jar nechst nach diszenn dato anheben vnd die  
andrenn virdhalbhundert gulden vff Osternn darnach geben, in crafft vnd macht dits briues.  
Wer aber sach, das der obgenant herr Jorg vor vnnsen lieben Muhmen versterben wurd,  
So Sol alsdann nach seinem versterbenn irer lieb von vnns oder vnnsrenn erben das genant